

偃師金石遺文補錄

泗州院仰繭錄勅黃降付本院依今來勅命所定名額  
者右具如前當縣今繭錄到勅黃一道頭連在前事須  
帖付本院准此照會熙寧元年四月初三日帖將仕郎  
守縣尉兼主簿事張尙書屯田員外郎知偃師縣事劉  
熙寧二年歲次己酉五月  
二日院上屋過仙立石

億案牒云伊陽等一十三縣有無名額寺院並賜壽

聖院爲額蓋依河南府奏准而首以伊陽冠十三縣  
之上與宋史地理志次置不合又後列給事中參知  
政事唐則指唐介而傳不詳爲給事中起復戶部尙  
書參知政事張則指張方平而傳不言爲戶部尙書  
亦不列起復凡此皆史缺也下列右諫議大夫參知  
政事趙蓋卽趙卨而並行更列左僕射兼門下平章

事僅題一空銜雖姓氏亦不書老學庵筆記舊制丞相署勅皆著姓官至僕射則去姓元豐新制以僕射爲相故皆不著姓却掃編舊制宰相官僕射以上勅尾不書姓蓋用唐故事也元豐官制僕射爲宰相故不計寄祿官之高下皆不書姓攷此牒當熙寧元年宰相官僕射已不著姓然則謂元豐新制蓋誤記爾又牒載諸縣寺院今頽廢罕有遺蹟著此以爲方志舉遺亦不可遽沒也

案題銜左僕射兼門下平章事氏名皆不著以宋史宰相表證之熙寧二年二月己亥富弼自觀文殿

大學士行尙書左僕射鄭國公依前左僕射加兼門  
下侍郎同平章事昭文館大學士監修國史東都事  
略弼本傳復拜左僕射同中書門下平章事昭文館  
大學士皆與此碑合知爲富弼也又細字書衛將仕  
郎守縣尉兼主簿事張尙書屯田員外郎知偃師縣  
事劉亦不著其名然于方志職官之表當宋熙寧二  
年任亦宜列入今漫不及之搜採之疎也

盧大同題名

補

復案題名正書在永定陵採石碑左側自左起文云  
熙寧丙辰歲孟春上澣日扶護長安太君靈權贊于

此潁川盧大同大年姪廷齡婿劉庚來

張溫其題名

補

復案題名正書在謝絳昇仙廟碑左側文云許口張溫其同拜仙君熙寧丙辰七月十八日

栗子山運石題名碑

存正書元豐八年七月在縣南永慶寺大殿東壁上  
龕置

楊世長李希呂昭

缺

邢綬馮建康宣趙洗侯威劉亨崔

遵蘭育徐京馮規同修奉神宗皇帝山陵轄兵栗子山  
般運石段常山是也元豐八年七月既望謹題記歲月

億

案奉修神宗山陵諸臣題名自楊世長而下凡十  
三人官爵史無可考蓋皆小臣奉使者故不具書也

泰山廟題名記

補

存正書元祐二年七月在緱氏本廟

夫三才者天地人也陰陽者三□□□也四海之內中  
天之化□□□□人窮今居一隅□地□□□各□□  
列□□□□也□省西河南府緱山邑東舊有泰山靈  
祠廊殿欹側神鬼從士各皆壞□所□邑中人戶王守  
福等共發虔心再動人工董貴□蓋爲獨力難成欲以  
□邑諸人共□□齊集□財□爲人工瓦木裝金塑盡

口蓋是廟遂有口邑人心皆各一無大小老幼高下仕  
宦女氏無不愜意今運土木之勞口口人夫未及遂立  
時人各口車駕自牽口氏小口大暑口口口運土木  
般載赴廟于是載木之車涉人小童口口其車側倒  
壓人之口口人心驚怖及其扶起口口息口口鄉人  
盡悅神之口口爲口民見而無不欽口因此口王守福  
等兼施口口口口口上石爲記

元祐二年歲次庚午七月甲申朔十七日立石

復案記稱河南府緱山邑東舊有泰山靈祠是緱山  
邑所山名亦因山聚居于此縣志失錄

緱氏重修太山廟碑記

存正書元祐三年閏十二月在緱氏鎮

樂份書

緱氏太山廟在口東百步當嵩洛大逵之衝有亭翼然  
枕連北垠者居人行商四時望祭之所也亭北五步抵  
其廟廟有三門缺曲廊廉陛有階齋庖有次其立屋以  
楹計之凡一百三十有五其闢地以步計之東西凡五  
十南北凡七十有奇缺敗垣口之外內有老木幾三百  
本皆槐柏梧桐大者七圍八圍小者三圍四圍含蓄掩  
映望之靄然其氣象口古緱氏于河南爲口口自熙寧



五年以迄于今爲議者所私廢而爲鎮農商之人咸病之廬里蕭然非復曩時矣而獨是祠缺于緱邑雖分州

列城往往不能有也先是周廣順中李進者肇創其地

至缺

國朝祥符中孫信者天聖中孫

缺

乃克有成歷年

旣久瓦木腐毀堦阼頽缺不足以媚神安靈民之有力者議欲重修久矣而常患於吝且誣故缺元口三年里

人王守福始倡而成之稚耄協力不驅而從由是腐毀

者更新頽缺者復完塑繪之工

缺

經始於四月之癸卯

而成於十一月之壬申旣又撰日率其鄉老大具肴酒

有事於祠下

缺

之自天子之命吏與公卿大夫士庶人

之子弟戴白之叟垂髻之童無貴賤缺中郎臨莅其邑

乃顧余而言曰守福之爲此字不亦勤乎此土之人蒙

神之休而不忘其所缺見吾人去舊卽新變呻爲謠相

與燕休于茲也不亦嘉乎子其爲記之庶幾後之人有

缺然古者天子諸侯皆得通祀其境內之神祇惟聰明

正直功大而德鉅有益於斯民缺社稷之祭偕而況缺

之右在缺則有司存蓋其所尸特以興雲雨致禍福代

天治人無所不統爲事大可謂缺甚異於衆人也惟其

不吝且誣篤於誠心故能刻意經營以起數十年之廢

缺不懈豈非有志於善者與夫人苟有志於爲善也則

凡此土之人爲人之口父者不可不口于其子孫爲人  
之子者不可不孝于其父母爲人之兄者不可不友於  
其弟而其弟不可不敬於其兄爲人之<sup>缺</sup>以至於爲兵  
爲農爲工爲商爲老爲佛者不可不肅以勤精以敏儉  
<sup>缺</sup>而已也哉余曰然則是可書也於是乎書元祐三年  
閏十二月一日奉口郎通判口口軍州口口主簿<sup>缺</sup>南  
樂份書并篆額

<sup>億</sup>案碑上截已殘剝然所云立屋以楹計之凡一百  
三十有五蓋當時營建之盛可見如此又云熙寧五  
年以迄於今爲議者所私廢而爲鎮農商之人咸病

之攷宋史地理志偃師熙寧五年省入緱氏八年復置省緱氏縣爲鎮隸焉元豐九域志同是史志並以爲在八年省緱氏今依碑證之殆于五年已廢而爲鎮則史志悉傳誤也碑在今緱氏鎮其叙緱氏縣廢始末之詳并及於廬里蕭然由撰記者所目擊故於宋之縣城使後世猶得以知在斯地爲可據也撰者名已缺唯書者樂份字存

宋建後唐雅上人舍利塔記

存正書元祐七年正月在永慶寺

舍利塔舊在外門西偏溝之南墻雜於民居宋元祐六

年昭詮始來緱氏遂移於大殿後上人事蹟已見比邱  
仁雨記此不復叙十二月二十四日寶嚴院主賜紫昭  
詮謹題元祐七年歲次壬申正月一日建

蘇授之題名

補

復案題名正書在謝絳昇仙廟碑左側文云武功蘇  
授之知永安縣弟世美自潁川隨牒入洛同遊二室  
元祐庚午仲秋己亥恭謁祠下府志職官失載授之  
宣仁聖烈皇后山陵採石之記

存正書元祐九年十一月在永慶寺

河南緱氏鎮之西南二十餘里有山嶺最高形如委粟

俗號粟子嶺嶺之東北下有廟榜曰山神載在祀典而不知是山何名歷詢故老莫知其實按東漢和帝紀稱永元十六年十一月己丑行幸緱氏登百岬山注云卽栢岬山也在洛州緱氏縣南又今緱氏之南二十里山名栢崖以此考之則粟子嶺諸山卽昔日所謂百岬者也本朝列聖及母后登遐例遣官採石於山下崇奉陵寢自乾興元年以來始有碑刻可考宣仁聖烈皇后以元祐癸酉九月三日戊寅上僊太史奏請以來歲二月七日山陵復土詔以丞相呂公爲之使安持受命與如京使林元莊宅副使麥文昞同董役於緱山卽以其月

癸卯開山凡取巨細石一萬有畸而訖於十一月之壬午四十日而功畢用石匠二千九百七十四人按故事鳩工十六萬五千二十有六當用四千入期以兩月而京師匠者十無一二餘悉取於諸路議者患其回遠不能以時至蓋開山之日始有來者三百六十四人而已至十月四日纔得一千二百九十九人逮逾月然後及二千九百七十四人止以是數又十日而訖事餘悉遣之所省八萬九十九功前此工不集上下憂之乃募作者能倍功卽償之優給其直於是人情忻然罔不悉心不待有司苦戒程督竭日力而後止故無逃者晨起爲

糜粥煮藥時其食飲而嚴禁其攘竊梁竹引泉使無渴  
飢故少病者爲密室南向以就天陽有病則遣官挾太  
醫診視相屬于途不謹則嚴其罰故擗死者蓋自癸卯  
至壬午吏民兵匠卅慮五千餘人而無一人逃者以疾  
斃者三人而已橫逆者無有也噫何其幸也凡此數者  
皆朝廷授以成法故有司得以奉行而又數下恩詔加  
賜吏士蓋無虛月所以戒勅愛養無所不至是宜和氣  
浹洽人不告勞方盛冬之時天氣晏溫雨雪不降以訖  
大事有以見天人相應昭示聖心純孝傳諸毋窮之意  
下臣姑謹職事以紀歲月云其餘佐吏具列于別石十



一月九日左朝請郎試太僕卿兼權都水使者都大提舉採石吳安持謹記大將楊仲卿書

億案碑在寺後殿之西宋吳安持都大提舉採石于當時職事歲月詳記其巔末如此宣仁聖烈皇后上仙記云詔以丞相呂公爲之使宋史哲宗本紀九月甲申命呂大防爲山陵使是也禮志云四月一日葬永厚陵紀云二月乙酉葬宣仁聖烈皇后于永厚陵案之此記宣仁聖烈皇后以元祐癸酉九月三日戊寅上仙太史奏請以來歲二月七日山陵復土然則紀爲得實而如志所書四月蓋必其誣也記後云數

下恩詔加賜吏士蓋無虛日據紀十一月壬寅賜勞  
修奉山陵兵士與此所記合然記亦有虛崇過爲無  
實之詞攷是年冬十一月以雪寒振京城民飢自偃  
師抵東京計里三百五十有餘不應節候頓異若以  
記所謂盛冬之時天氣晏溫雨雪不降則其然豈其  
然乎記又云佐吏具列于別石今沒不可見

復案碑末題左朝請郎試太僕卿兼權督水使者都  
大提舉採石吳安持謹記大將楊仲卿書安持附宋  
史吳充傳云爲都水使者遷工部侍郎終天章閣待  
制今此記方于都水爲兼權也河渠志帝諭執政

云

宜急命吳安持王宗望同力督作蓋亦爲督水之職而韓宗道墓誌銘結銜右朝議大夫寶文閣待制知潁昌軍府事兼管內勸農事京西北路安撫使柱國吳安持篆蓋舉可徵也

碑粟子嶺形如委粟舊志宋修陵採石委粟于此誤也

李格非題名

補

復案題名正書自左起在謝絳昇仙廟碑右側文云濟南李格非同姪述謁祠下紹聖元年八月十一日格非見宋史文苑傳字文叔濟南人

程公孫題名

補

復案題名正書在謝絳昇仙碑西側文云元符己卯

仲冬香山程公孫如祖

口隨題名補

復案題名正書在永定陵採石碑左側文云元年季秋庚寅口隨歸塋繼塋當等乃廷口之子也時元祐後十四年當口堂舉其口口口口隨下有字時口婦朱氏祔焉末題元祐後十四年是爲哲宗改元元符之二年

永泰陵採石記

存正書元符三年五月在永慶寺

大行哲宗皇帝以今年正月十二日己卯奄棄萬國朝

延循故事遣官採石修奉陵寢孝廣被詔同文思使羅允和宮苑副使帶御器械麥文昞實董其事凡辟文武官朝請郎孫熙以次及部役等二十有六員以二月十日丁未開山至五月十一日丁丑畢功取大小石二萬七千六百有餘視元豐八年蓋增多五千二百七十有二焉凡役兵匠九千七百四十有四取石旣夥懼役兵疲困而兵不時集復請募近縣夫五百俾悉挽巨石以訖其事然屬運寒氣癘自京都逮於四方人多疾疫而況大山深谷之間嵐霧蒸鬱朝暮衝冒病者宜甚於是時其藥食至覆藉之具無一不備仍分處太醫各俾診

治日且躬行巡視由是病者千七百餘人而不可治而死者蓋亦百釐之二逃者纔五十人耳聚者旣衆不患食不足常患水不給山之東南舊有礪子一泉方春日用且乏乃並西於桃花谷天井泉至谷口凡四里續大竹二百二十有四引水日二千餘畝於是水給而無渴飲之患前此興作而死者皆留瘞山中及功畢往往不復完掩今迺奉制悉給錢焚收置斂具以歸其家居山土人皆云每至久積陰晦常聞山中有若聲役事之歌者意其不幸橫天者沉魂未得解脫逍遙而然乎於是大集浮屠衆恭作佛事卽重五晝夜爲設冥陽水陸金

錄寶符無礙道場以薦拔其苦於其生者既足飲食具  
醫藥所以撫恤之無不至於其死者又置歛具設佛事  
所以度脫之無不盡此無它蓋以謂興大役舉大事使  
人人忘勞而赴功是亦臣子遵奉之志耳故不敢不勉  
云元符三年五月十二日朝奉大夫都水使者都大提  
舉採石曾孝廣謹記

河南府福昌縣主簿提舉採石醫藥韓思永書并篆  
宮苑副使帶御器械同都大提舉採石麥文昞立石

意  
案永泰陵舊宗葬地也于時修奉陵寢首是役者  
爲朝奉大夫都水使者都大提舉採石曾孝廣案孝

廣字仲錫元豐末爲都水丞元祐中大臣議復河故  
道召孝廣問之言不可出通判保州久之復爲都水  
丞見宋史本傳今碑言都水使者卽其職也然于孝  
廣都大提舉採石竟不附見史文其亦有所未及與  
宋史禮志哲宗崩徽宗卽位詔山陵制度並如元豐  
今案碑云取大小石二萬七千六百有餘視元豐八  
年蓋增多五千二百七十有二然則有司踵事奉行  
益爲崇侈其靡費已至此而史因依詔文書爲並如  
元豐其信然與

復案名臣琬瑜之集陳瓘乞憫恤山陵人夫疏迺者



秦陵應奉之人緣雨水異常州縣督責甚于他時所以叙其情而憫其勞者亦宜加厚今以此記所謂藥食覆藉隱恤備至殆亦確之言有以動之也

王鞏題名

補

復

案題名正書在謝絳昇仙廟碑右側文云邑簿王

鞏尉王直元符庚辰歲七月恭謁昇天祠下宋史王

素傳子鞏有雋才長於詩從蘇軾游

云

軾得罪鞏

亦竄賓州數歲得還豪氣不少挫後歷宗正丞今題名者疑卽其人而縣志職官表子簿尉內不載雖直二人名採緝不悉宜其脫書也鞏亦見東都事略與

宋史並相符

偃師金石遺文補錄卷十終

邑人

徐宜方于校  
武穆淳愚溪

偃師金石遺文補錄卷十一

邑人武億虛谷原纂

秀水王復秋塋續補

宋

二陵採石之碑

存正書建中靖國元年三月在永慶寺

建中靖國歲在辛巳正月乙亥欽聖憲肅皇太后上仙  
遺詔追尊故皇太妃爲皇太后是爲欽慈皇太后於是  
山陵園陵二役並作太史請以五月丙寅復土而採山  
之役自昔爲重祇奉二陵其用實倍事嚴期迫上下憂

懼朝廷始更用郎官往護其役迺詔遣尙書都官郎中  
曾孝序都督之而以如京使帶御器械麥文炳西京左  
藏庫副使提點孳生馬監高偉爲之副辟置其屬分督  
賫務二十有九人集七路匠師與夫陪役之兵以指計  
者九萬六千三百三十石之拔類者其修至二十有二  
尺其廣踰尋其以校計者二萬七千一百有奇役實始  
於正月癸未而終於三月壬午蓋六十日而奏畢若匠  
若兵或死或亡纔二十有九人論者以爲敏而赴功燕  
及其衆仰惟憲肅皇太后有大功於朝主上誠孝充塞  
天地當此之時百神莫不効職事之所以獲濟豈小臣

之力哉故例皆立碑以紀歲月僚佐有請願安得以獨  
無於是乎書建中靖國元年三月二十六日朝散郎守  
尚書都官郎中都大提舉採石護軍賜緋魚袋曾孝序  
謹記

前河中府河東縣尉都提舉採石所管勾文字史恂仲  
題額

朝奉郎監西京假師縣緱氏鎮管勾城內煙火事兼稅  
場驍騎尉賜緋魚袋孫應書

西京左藏庫副使提點開封府界孳生馬監同都大提  
舉採石高偉

如京使帶御器械勾當翰林司提點萬壽觀公事同都大提舉採石麥文昞立石

彭臯刻字

億

案二陵一爲神宗欽聖憲肅向皇后一爲欽慈陳皇后並陪塋永裕陵者也宋史徽宗紀建中靖國元年正月甲戌皇太后崩遺詔追尊皇太妃陳氏爲皇太后碑所記皆合然少有異者惟云正月乙亥欽聖憲肅皇太后上僊與史較後一日碑當時所述當不誤又攷碑之記在是年三月二十六日文內已首稱二后諡攷之紀乃云四月甲午上太行皇太后諡乙

未上追尊皇太后諡方作記時諡號尙未知之然  
稱何也此必立石時追紀及此耳記出之會孝序  
序見忠義傳敘其歷官自初筮仕以至死職皆未嘗  
當建中靖國元年爲朝散郎守尙書都官郎中又兼  
使職如今碑所載都大提舉採石護軍賜緋魚袋而  
史並從畧今得之於此碑又可寶也

復案二陵採石記云事嚴期迫上下憂懼朝廷始更  
用郎官往護其役迺詔遣尙書都官郎中曾孝序都  
督之而以如京使帶御器械麥文昞西京左藏庫副  
使提點學生馬監高偉爲副宋史兵志紹聖初議復



畿內孳生十監詔以莊宅副使麥文昞內殿崇班王  
景儉充提舉此記麥文昞卽其人又高偉提點開封  
府界孳生馬監卽志云畿內十監也朝奉郎監西京  
假師縣緱氏鎮管勾城內煙火事兼稅場驍騎尉賜  
緋魚袋孫廛職官志諸鎮置於管下人煙繁盛處設  
監官管火禁或兼酒稅之事此云管勾城內烟火事  
兼稅場卽其職也中興後此職益重遂以兵馬都監  
監抽掌烟火公事于是事冗而職寢廢矣

大觀聖作碑

存行書大觀二年八月在治東街宋學宮舊址

學以善風俗明人倫而人材所自出也今有教養之法而未有善俗明倫之制殆未足以兼明天下孔子曰其爲人也孝弟而好犯上者鮮矣不好犯上而好作亂者未之有也蓋設學校置師儒所以敦孝悌孝悌興則人倫明人倫明則風俗厚而人材成刑罰措朕考成周之隆教萬民而賓興以六德六行否則威之以不孝不悌之則比已立法保任孝悌嫺睦任恤忠和之士去古繇邇士非里選習爲科舉不孝不悌有時而容故任官臨政趨利犯義詆訕貪污無不爲者此官非其人士不素養故也近因餘暇稽周官之書制爲法度頒之校學口

倫善俗庶近於古諸士有善父母爲孝善兄弟爲悌善  
內親爲睦善外親爲姻信於朋友爲任仁於州里爲恤  
知君臣之義爲忠達義利之分爲和諸士有孝悌睦姻  
任恤忠和八行見於事狀著於鄉里耆鄰保伍以行實  
申縣縣令佐審察迺入縣學考驗不虛保明申州如令  
諸八行孝悌忠和爲上睦姻爲中任恤爲下士有全備  
八行保明如令不以時隨奏貢入太學免試爲太學上  
舍司成以下引問考驗較定不誣中尚書省取旨釋褐  
命官優加拔用諸士有全備上四行或不全一行而兼  
中等二行爲州學上舍上舍之選不全上二行而兼中

等一行或不全上三行而兼中二行者爲上舍中等之選不全上三行而兼中一行或兼下行者爲上舍下等之選全有中二行或有中等一行而兼下一行者爲內舍之選餘爲外舍之選諸士以八行中三舍之選者上舍貢入內舍在州學半年不犯第二等罰升爲上舍外舍一年不犯第三等罰升爲內舍仍准上法諸士以八行中上舍之選而被貢入太學者上等在學半年不犯第三等罰司成以下考驗行實聞奏依太學貢士釋褐法中等依太學中等法待殿試下等依太學下等法諸士以八行中選在州縣口太學皆免試補爲諸生之首

選充職事及諸齋長諭諸以八行考士爲上舍上等其  
家依官戶法中下等免戶下支役折變借備身可內舍  
免支役身可諸謀反謀叛謀大逆子孫同及大不恭詆訕  
宗廟指斥乘輿爲不忠之刑惡逆詛罵告言祖父母父  
母別籍異財供養有闕居喪作樂自聚釋服匿哀爲不  
孝之刑不恭其兄不友其弟姊妹叔嫂相犯罪杖爲不  
悌之刑殺人畧人放火強姦強盜若竊盜杖及不道爲  
不和之刑謀殺及賣畧總麻以上親毆告大功以上尊  
長小功尊屬若內亂爲口口口刑詛罵告言外祖父母  
與外姻有服親同母異父親若妻之尊屬相犯至徒違

律爲婚停妻娶妻若無罪出妻爲不嫺之刑毆受藥餌  
犯同學友至徒應相隱而輒告言爲不任之刑詐欺取  
財罪杖告囑耆鄰保伍有所規求避免或告事不干已  
爲不恤之刑諸犯入刑縣令佐州知通以其事目書於  
籍報學應有入學按籍檢會施行諸士有犯不忠不孝  
不悌不和終身不齒不得入學不睦十年不嫺八年不  
仕五年不恤三年能改過自新不犯罪而有二行缺入  
學在學一年不犯第三等罰聽齒於諸生之列大觀元  
年九月十八日資政殿學士兼侍讀臣鄭居中奏乞以  
御筆八行詔旨摹刻於石立之學宮次及大學辟廡天

下郡邑二年八月二十九日奉御筆賜臣禮部尚書兼  
侍講久中令以所賜刻石

通直郎書學博士臣李時雍奉勅摹寫

承議郎尚書禮部員外郎武騎尉臣葛勝仲

朝散郎尚書禮部員外郎雲騎尉臣韋壽隆

承議郎試尚書禮部侍郎學制局同編修官武騎尉隴

西縣開國男食邑三百戶賜紫金魚袋臣李圖南

朝請郎試禮部尚書兼侍講實錄修撰飛騎尉南陽縣

開國男食邑三百戶賜紫金魚袋臣鄭久中

太師尚書左僕射兼門下侍郎上柱國魏國公食邑一

鳬泳者輒死衆乃驚悟始識爲功德福水病者請辭飲  
之卽愈於是相與謀斃以文輒疏爲方沼藻飾丹腹祈  
縹雲來洪惟永安授邑肇自大宋聖祖弓劍所闕而崧  
高之嶽作鎮中土介邑之間真仙所宅靈顯輩出宜有  
福澤惠施於民稽考傳紀實表國之祥比年而來朝廷  
清明百度修舉綜名覈實禮制樂成海晏河清芝禾並  
秀木石薦祉元善奇功珍符嘉瑞史不絕書蓋山皇天  
眷祐上德昭明格致休美以懋大業顧不偉與而儒學  
之士競爲詞章掄揚盛事備諸聲詩以薦清廟實惟時  
也今靈泉出於福地神異焯然莫之殫載挺雖不才承



乏州縣賸茲嘉會歌詠盛德矧臣子之職敢以菲陋而  
辭謹著大畧以告來者其辭曰崧山之陽複岫重岡山  
維緱氏作鎮其旁蒸爲卿雲舒成景光仙聖之宅其神  
無方在昔帝子系自周王浮邱挹袖絳闕扶將夜月吹  
笙乘雲帝鄉鶴馭莫返風吟松篁遺宮廟食寶劍珍藏  
後千餘年醴泉其堂蠲疴療疾起痼愈疴惟神之惠表  
國之祥帝德廣運修明馨香地不愛寶天錫會昌年穀  
順成降福穰穰本支百世萬壽無疆如山之崇如泉之  
長小臣作頌德音不忘

中州金石記云碑云崧高之下曰緱氏山距山不遠

遺冢具存民俗傳爲浮邱藏劍之所卽其巔構祠以祀焉又云政和二年夏月泉出庭下人初易之俄鷗鳬泳者輒死病者請禱飲之卽愈按其泉今在縣南三十五里旣而久涸乾隆初復出也

復案靈泉記永安令張挺撰文云洪惟永安授邑肇自大宋聖祖弓劍所闕宋朝事實景德初析鞏縣偃師緱氏登封縣地置縣曰永安以奉陵寢宋史地理志永安赤奉陵寢景德四年升鎮爲縣記所謂永安授邑之由卽指其事記稱子晉受道於浮邱公公接仙去距山不遠遺塚具存民俗呼爲浮邱藏劍之所

其巔構祠以祀焉俯瞰道周更爲立廟里民歲時以  
昭祈報蓋於是靈感爲盛今漸就堙廢圖志且莫紀  
矣挺爲永安令府志失採

唐慤題名

補

復案題名正書自左起在謝絳昇仙廟碑陰中截文  
云登封令江陵唐慤通叟政和壬辰季冬九日遊王  
子喬祠今登封縣志于職官失載其人

崇恩園陵采石記

存行書政和三年二月在緱氏永慶寺

崇恩太后寢疾崩于宮政和三年二月丙申朝散郎權

發遣京畿計度轉運副使公事趙霆入內侍省武功  
大夫計置賈口山採石兼提舉鄭州密務張懷寶奉詔  
旨提奉園陵採石太史預定丁未爲吉祭山興役于緱  
氏鎮礪子泉之東西谷段石口工視大觀二年地宮數  
例會日力之役九旬以時口朝廷促工期口有口非嚴  
匠氏逾旬稍愒霖雨零霰迭因閒作官吏惴慄惟稽遲  
之口口而巨石艱致之材越七日而數以登又十有五  
日而夫役告畢蓋官屬奮職夙夜暴露協力盡瘁川濟  
厥事也官屬爲誰管勾文字兼理辦公事朝散郎曾誼  
都口寨中亮郎任緯通直郎韓瑜口口武經郎口傑武

翼郎口之才口武郎蘭中立修武郎李從古秉義郎趙  
士口宋良口成忠郎周延慶許紳承節郎張延慶口口  
昌周幾從事郎宋章李迂將仕郎李處仁張遠王充李  
周儒進武校尉張懋進義校尉王思永假承務郎陳充  
管勾鐵盧東井匠口口郎口口兼管勾公使進義副尉  
張守中季春癸酉趙霆記并書

朝奉郎缺立石

復案采石後列趙霆記并書文云崇恩太后廢疾崩  
于宮奉詔旨提奉園陵採石太史預定丁未爲吉祭  
山興役于緱氏鎮碾子泉之東西谷云收東都事云

畧昭懷皇后傳欽聖念孟后無罪乃召入復位號  
元祐皇后而后稱元符皇后及欽聖崩元祐皇后復  
廢乃進號太后居崇恩宮政和三年后無疾而崩宋  
史本傳徽宗立冊爲元符皇后明年尊爲太后名宮  
崇恩帝緣哲宗故曲加恩禮后以是頗于預外事且  
以不謹聞帝與輔臣議將廢之而后已爲左右所逼  
卽簾鉤自殞而崩與碑云寢疾崩于宮者皆相異蓋  
王氏書本朝事以微詞寓焉而史則據實錄之若採  
石題記人自宜爲國諱故書云寢疾亦緣劉后之崩  
當時以疾頒示中外故也稱崇恩太后者依其宮名

言之于時猶未加諡也

禮志哲宗皇后劉氏政和三年二月九日崩云閏四月

上諡曰昭懷皇后五月葬永泰陵

趙霆書記兼美攻皇宋書錄載能

篆書者宣德郎趙霆卽其人碑篆額六字敦樸圓勁洵不愧有藝名矣而是碑行書亦奇逸可寶

郝問題名

補

復案題名正書在謝絳昇仙廟碑陰上截文云西河

郝問裕夫弟口純口夫口同郡都功裴口空明元寶天李可口守道遊緱山謁帝子祠徘徊久之政和乙未五月十九日

張宗吳題名

補

原缺



□□□于斯遂率族人出泉□工繪□□□□□  
□□□□莊嚴洎仙官衆□兩廊壁凡三十間并□欄  
楯以嚴護之丹宇旣施□□□□□□□□□□  
容□□□□舉手於緱山矣□旣告成因紀歲月□我  
祖□□□公之功□□可不□而明之遂撫其應報之  
寶刻之碑陰以告諸來者焉

時宣和□□□□□月望日朝散郎前提點衢州興道  
觀賜緋魚袋呂直夫

復案碑陰記殘蝕不全後題銜朝散郎前提點衢州  
興道觀賜緋魚袋呂直夫記其文云天聖初我祖正

議公捐家資數千緡自殿及口通其構身躬其勞  
鳩工于丙寅落成于己巳蓋僊君廟重修年歲于斯  
可攷直夫之祖名仲簡謝絳爲碑文識其事云天聖  
初今西都分憲趙公以祠部郎中治園邑也會出境  
上卽款廟廷謀作大壯以舍真像公首捐資用及率  
額里人呂仲簡等相與伙助今直夫述其祖興建之  
由爲權勢掠美而辨之最悉然亦急欲自市其美亦  
不如其祖弗辨之爲厚矣

故左監門衛將軍致仕聶公神道之記

補

存正書無年月在顧縣鎮田間

原夫德口門武缺州口載口口而缺還口口校尉缺讀

侯之任豈虛授哉缺而人民缺刺部口則運寄口而缺

真氣缺偉人史無傳缺贈右驍衛缺度口泰缺國缺廉

明不缺議不缺以缺謳誦缺於萬國紫缺還口家黃道

前口校尉缺公由扶馬軍缺公則口驍十載身屬缺可

缺中缺都指揮使華國口口三軍口指揮使禁軍口口

兵口無缺長預出師露下缺右口指揮使羽林缺公寬

于士卒口職多口口排匣缺公以忠缺至夫口口宇宙

之盛缺兆之口口口誠則見公口口口則敢口口口

得其人比屋興良口失其口口口能明王之政能于缺

四海安□□岳州缺中□□州刺史缺於金輪缺咸缺

高祖皇帝以日新御宇缺內則以□時萬機外則以缺

史缺縣兵缺以運□下武德□上京闕缺會授缺副

寨使德養風也上缺山縣冀缺見出戰□國□誠在一

人濟世□必由多士其□長州鼓浪□潰缺謂有阻長

斯之勢缺而缺中宵都正察之□兵□□□山之□

有缺於□九原州刺史□再□□□□聖□太祖皇

帝上天眷命□□□非奮英武以殄兇□孚缺軍州刺

史三□還□五賢之□□年缺定缺之東□公湖南□

□□前軍□道使苗人且格舜缺風缺金□□城者輪

銜璧之誠亡命者懷遠口之缺其以口口值口城而殺

使俾缺巴缺商州刺史公以威懸夏口口發愁口亂缺

而國風正王度口而流化缺出而缺賴太祖皇帝口兵

缺原州口在口四口是缺公口州兵馬都缺自缺載口

好正之缺門缺九原蕭門口口口口封缺於九域缺河

缺二缺堦父缺左口衛口寧口口口有口識試口之道

缺則缺葬于緱氏縣芝田鄉缺也缺殿直口先五口藝

缺州衙內都衛侯克隆堂缺五福之先缺次廷缺

其一 惟天命口缺方缺其四 口祚佐命缺

復案原錄僅著碑額故左監門衛將軍致仕聶公神

道之記凡十五字余屬方于就碑文諦審約著其畧

中間正文稱高祖皇帝以日新御字

云

五代時北

漢高祖也又稱聖口太祖皇帝上天眷命奮英武以  
殄兇口公湖南口口口前軍口道使苗人且格口城  
者輪衡璧之誠亡命者懷遠口之口殆指宋太祖平  
周保權事也東都事畧李處耘傳周保權乞師討張  
文表太祖命處耘與慕容延釗赴之以處耘爲都監  
師次江陵高繼沖請舉族歸朝卽引兵趨湖湘大破  
賊于三江口又遇賊帥張從富于澧江南擊敗之逐  
北至敖山砦賊棄砦走俘獲甚衆旣而延釗大軍至

州人大懼縱火焚州城而潰保權幼爲大將汪端所劫藏于江之南岸僧寺中處耘遣麾下將田守奇師渡江獲之磔于市遂入潭州盡得荆湖之地是高繼沖請舉族歸朝與碑銜璧合保權藏于江之南岸僧寺與碑亡命合宋史周行逢世家建隆四年張文表自衡州舉兵據潭州保權乞師于朝廷乃遣山南東道節度慕容延釗爲湖南道行營都部署宣徽南院使李處耘爲都監率淄州刺史尹崇珂申州刺史聶章郢州刺史趙重進判四方館事武懷節趙毯使張繼勲染院副使康延澤內酒坊副使盧忠等將步

騎往平之

云

是碑所載聶公蓋爲聶章也章前仕

漢至宋興皆以材勇位通顯而晚節投老終于左監  
門衛大將軍致仕以卒可謂善守功名者矣又碑稱  
葬于緱氏縣芝田鄉太平寰宇記芝田鄉在緱氏縣  
北按此碑于今顧縣鎮南五里田間得之蓋其墓域  
所在當近于斯正爲宋緱氏縣北也他日踵修縣志  
宜表出之碑斷裂文多不次又無年月可稽其時當  
在宋初因附錄破句殘字如右幸善讀者會焉

偃師金石遺文補錄卷十一終

邑人

徐宣方子校  
武穆淳愚



偃師金石遺文補錄卷十二

邑人武億虛谷原纂

秀水王復秋腔續補

宋

鄭仲賢詩

存篆書在緱氏鎮永慶寺

秋風寂寞秋雲輕緱氏山頭月正明帝子西飛僊馭遠  
不知何處夜吹笙後有杜正獻公題白傅謂劉賓客詩  
云在在處處常有靈物擁護今見滎陽之詩筆斯亦近  
之

億案續湘山野錄鄭仲賢善詩可參二杜之間又云  
在江南師徐騎省鉉小篆今于此題猶見遺蹟是仲  
賢爲南唐人後入仕于宋而志舊列入唐詩內不亦  
失攷與

復案西清詩話緱氏王子晉升仙之地有祠在焉鄭  
工部文寶題一絕云後晏元獻守洛過見之取白樂  
天語書其後云此詩在處有神物護持吳任臣十國  
春秋文寶工詩及題綠野堂爲晏殊歐陽修所贈矣  
亦同此今以詩碑作杜正獻非晏元獻也又宋詩紀  
事作秋陰漠漠亦與石刻微異當依石刻爲正

李虞卿神道碑補

存正書缺年月在緱氏東南小玉庄今移置明倫堂

朝議大夫尚書工部郎中賜

缺

端明殿學士兼翰林侍講學士

缺

中散大夫右諫議大夫口天章閣

缺

上柱國樂口縣

開國子食邑六百戶賜紫金魚袋楚建中篆額

惟李氏趙郡著姓自口錫仕唐至御史大夫口重德天下口口相憲宗武宗爲有聲宰相公之六代祖德脩吉甫之長子也德脩子煜宋城令居楚邱爲宋人煜生確萊州膠水令贈太子太保於公爲高祖少保子言贈

太子少傅於公

缺

許卒薨長社又爲許人考昌齡太宗

朝戶部侍郎參知政事累贈太師中書令兼尙書令國  
朝二府追榮三代自膠水而下皆以太師貴公太師之  
幼子也諱虞卿字仲口口口主簿調虢州虢略縣尉令  
恃才使氣頗少公議事則曰膏梁子尙知人疾苦邪公  
恬不與較令益肆輒受賕鬻獄公力爭之因家居不出  
令以公不晨謁於法當坐口口口口口口事令遂敗公  
自此隱然有能名識者知李公爲不口矣薦章繼上累  
遷大理寺丞知開封府東明縣親嫌移河南府登封縣  
改太子右贊善大夫賜五品服知興元府西縣府口口

且利其厚貲公捕使并鞫之悉得其爲奸狀具口上府  
時樞密直學士李參以國子博士知府事謂公果於從  
政由是深相結交遷殿中丞知開封司錄叅軍開封口  
治京口口撓于權貴事口口公嚴整不可干以私而  
治口爲一府之望慶歷初盜起山東以國子博士知齊  
州齊人上力喜盜爲山東劇郡公不設鉤距不布耳目  
盜發必獲人畏之如神口人州遂稱口口口口部員  
外郎知慶成軍是時雍華司糴鹽不通商而官自爲市  
輸行之費重而民間反多淡食者又改口法口大銅錢  
小鐵錢盜鑄益衆而法不可禁公曰利一口口具疏於

□□□□復行而當十□錢減十之□遂罷鑄錢公  
忠義篤信明見利害必索言之無隱不以疎外自疑故  
多見納用翰林學士承旨王堯臣薦其材授提點江南  
西路副口省漕運而私販者遂絕至今以爲利未幾請  
知虢州虢山饒材黥徒採山者謀爲盜公命拘獲百餘  
人誅其首惡銀揚吏因緣爲奸公推析衆口得其直八  
百萬使者以聞公□□司鹽鐵判官按茶商倍輸錢十  
四萬緡又得冒請茶者錢至數千萬猾胥大賈無所措  
手足居無何命公提點陝西刑獄陞賜對仁宗慰勉  
之趣令還舊職公遂巡□□□□□□中書李虞卿再

聞三司出自朕意非自請也公初劾茶商事未竟遽被  
命使陝西譏者指大臣子弟與商人以利交謂公之去  
將有巧中之者士論譁然不已公旣罷□□公之孤  
峻立朝□然無所傳會特以奉法堅正知名人主旣去  
復留士大夫不獨爲公榮而相與稱頌仁宗之明見□  
隱而獎勵能吏至於如此自虞卿五遷爲□□賜三品  
服移梓州河北河東成都府路轉運使公有政事之材  
縝密詳盡案牒盈前談笑剖析若不用意而皆中其節  
目頃使六路所至必求民之疾苦去民之貧賤者而與  
州□□□險艱就夷近往來便之晉州守怙勢而壅公

發數口罪寔于理略細故不問或曰獄未具公慨然曰  
吾豈樂爲此耶守口口口斥逐之足矣舉其細口口者衆  
捕盜益甚是吾重口口口仲逾十年不求遷官以廉退  
稱自執政諸公往往高其材然其爲人夸誕自可而冒  
于貨賄當途者以聲貴之而無敢指撻公曰是盜虛名  
以蓋實罪也口口而不懲無以沮惡比口口口檄劔門留  
止之鞠其奸賊溢數萬遂廢其終身當是時縉紳想聞  
其丰采而蜀之士人尤歎仰之謂公勇于敢爲舉無比  
者居頃之暴得口口疾丐閒授管勾南京留司御史臺未  
行口口疾辭嘉祐八年分司西京需恩兩遷衛尉光祿



少卿繼上章請老遂以少府監致仕蓋公平生精力  
人才氣充邁少肯爲人下恥以疾病被獲祿之口故其  
退政口年六口口口日與野僧通客清談相對乘春駕  
安車徜徉嵩少閒留連山水之樂泊然自放視輟冕爲  
何物也次子瞳棄官就養左右頁適歲時伏臘一切取  
與未嘗以毫髮累公方口公口口或過之故能身閑而  
心佚以輔近鑒樂遂享眉壽君子以爲有後之慶公遇  
人無賢不肖一以至誠閒與親舊品其人物高下雖善  
談者無以易公確論事宜口孝謹撫孤口恤口口享年  
七十六積階至朝奉郎勲上柱國爵陳留縣開國男食

邑三百戶曾祖母張氏清河郡太夫人祖母彭氏彭城  
郡太夫人嫡母丁氏永嘉郡太夫人母王氏集慶郡太  
君娶口氏口口口公二十口年而亡子男二人曦進士  
及第有時名卒于鳳州團練判官臆孟州觀察推官女  
一人適尙書職方員外郎樂沆孫男二人口中求中孫  
女四人適潞州襄垣縣令朱口口口月十七日卽以其  
年十一月二十六日塋于河南府永安縣唐興鄉仙壇  
里樂夫人之塋明年春系自蒲州守還朝奠公于緱山  
里第瞻北口口衰伏拜不能興已而泣口口王公陶管  
誌于墓今墓隧之碑無文以刻公其可辭惟公事君以

忠睦族以孝涖官敏而嚴當事強而果奉身而退以全其潔而老于鄉其始終皆可書也銘曰

李氏三口 父子公口 爲唐名口 中間幾熄

光遠有耀 是生太師 爲公顯考 公自幼孤

操心也危 不口不口 奮于卑飛 公之從口

奏功驕然 利見盤錯 贊國大計 休顯有稱

不比于權 讒言繁興 疇能用公 惟天子明

六駕口口 嶽嶽奸豪 以摧以逐 志不大施

而以疾告 有田可歸 有子而孝 口又何求

逍遙以老 長松口公 息于其閒 勒銘道邊

過者下焉 以知公賢

復案李虞卿神道碑舊在小王庄啓母廟作供几予訪得之急命役夫輦置學內遣拓工摹一紙已爲土人鐫毀又破爲二石中間損去文多不屬今驗撰書人俱缺惟篆額者爲楚建中銜名存宋史建中本傳于其階中散官右諫議大夫爵開國子皆畧不及之碑載虞卿始末述其上世云李氏趙郡著姓口公之六代祖德修吉甫之長子也德修子熅宋城令居楚邱爲宋人又有贈太子少傅缺許卒塋長社爲許人是虞卿之先又占籍于許而虞卿父昌齡傳僅載宋

州楚邱蓋爲脫書矣昌齡太宗朝吏部侍郎參執政  
事累贈太師中書令兼尚書令本傳于其贈官亦不  
備錄何也唐書宰相世系表于吉甫二子獨詳德裕  
之裔至德修則闕而不書證之此碑德裕子燭宋城  
令燭生確萊州膠水令

云

此表文所未載也昌齡

卒傳稱錄子虞卿試將作監主簿今碑有主簿字卽  
其初官與史相同自後調號畧縣尉遷大理寺丞知  
開封府東明縣移河南府登封縣改太子右贊善大  
夫賜五品服知興元府西縣遷殿中丞知開府司錄  
參軍又以國子博士知齊州復爲口部員外郎知慶

成軍又授提點江南西路副口口漕請知虢州又提  
點陝西刑獄移梓州河北河東成都府路轉運使後  
暴得疾丐閒授管勾南京留司御史分司西京兩遷  
衛尉光祿少卿繼上章請老遂以少府監致仕蓋虞  
卿生平歷仕中外傳特據其初以恩錄官書之亦未  
徵其詳也墓地稱永安縣唐興鄉仙壇里樂夫人之  
塋今墓爲土人鏹毀而塋地殆亦與此相近圖經旣  
佚不載其所謂仙壇里人亦莫攷其名證之太平寰  
宇記緱氏縣王子喬壇在縣東南五里碑云仙壇里  
卽子喬壇也碑載虞卿知興元府時樞密直學士李

參以國子博士知府事參本傳言歷知興元府而不  
錄以國子博士又云翰林學士承旨王堯臣薦其材  
東都事畧堯臣傳以翰林學士承旨端明殿學士爲  
羣牧使與此合又載王公陶嘗誌于墓陶亦見史列  
傳碑側刻元光貳年二月初八日建立供床又刻中  
京金昌府芝田縣第六保管茅村衆社人戶建供床  
又有正大二年五月二十九日刻字是碑之鑿毀皆  
由于此然此曹反欲自貽名以見功德亦何愚哉

張口叙題名

補

復案題名正書自左起在謝絳昇仙廟碑左側文云

尚書祠部員外郎集賢校理口南張口叔口口過  
此口口八罕嘉平二十一日

君錫題名

補

、復案題名正書自左起在謝絳昇仙廟碑左側文云  
君錫同進道監修仙君殿宇歲在辛未二月念五日  
無爲子記

張君口題名

補

復案題名正書在謝絳昇仙廟碑左側文云南伊掌  
口張君口同邑簿郝口善次口口視人戶旱災口此  
宿泊翌日遂登嵩山口口口縣因口題于此口以



紀□□下剝蝕不可見

秦懷志題名

補

復案題名正書在謝絳昇仙廟碑左側文云秦懷志  
郝闢之來戊午□□□十八日題

程亢題名

補

復案題名行書在謝絳昇仙碑西側文云程亢恭禮  
仙祠癸巳中秋□五日題

朝散大夫陳公墓誌蓋

存篆書在縣西南蕭村寨李家墳作供几今移明倫  
堂

億案宋陳繹先墓在偃師緱氏旁近當是繹上世爲朝散大夫者繹貶官後猶得復太中大夫以卒此誌蓋所題與繹卒官不同世誤傳云繹非也

建經幢記

存正書在城內壽聖寺

億案石損泐不見年月名氏僅載某妻左氏某妻趙氏某妻馬氏蓋女流之信佛者爲之也

王氏建經幢

存正書

億案此石年號缺唯載大宋國河南府緱氏縣解賈

村郎郭王氏數字全解賈村亦古鄉名之可見者  
韋子能建經幢

存正書在陽村法雲寺

億案石幢字磨滅其前題銜書大宋國西京河南府  
偃師縣芝田鄉陽村韋子能字尙可尋陽村古從  
今從木傳誤也又祝釐之詞首皇帝萬歲次卽及府  
主千秋當縣官缺官居祿位其于尊君戴上之誼不  
沒如此亦淳風可想也

半截石幢

存正書在壽聖寺無年代

大齊故贈通侍大夫徐州觀察使知河南軍府事兼西  
京留守河南府路安撫使馬步軍總管兼管內勸農  
使孟公墓誌銘

存正書今在明倫堂

朝奉大夫前秘書少監編修國史賜紫金魚袋李杲  
卿撰

尚書禮部太史局中官正賜緋魚袋李肅書并篆蓋  
公諱邦雄字彥國西京永安人也曾祖諱順妣安氏祖  
諱晏妣趙氏累葉不仕考諱恩贈口口大夫母賈氏封  
恭人公爲兒時已剛介不羣旣壯強鸞善騎射以氣聞

里中賢豪有能談兵者必屈折禮事以冀有得口而後已用是諸家兵法略知大義前宋靖康建炎間中原喪亂盜賊蜂起嗣王走江浙海內洶洶遞相殘噬公乃招集亡命旬月間得萬人號曰義師保全一方力拒羣盜京城留守使司嘉其忠義便宜借補進義校尉兼差權永安縣尉旣而借補承信郎權知永安軍事累遷修武郎京西河北河東路招提使以公有心力能撫軍衆便宜補敦武郎兼閤門祗候仍差河南府西六縣都巡檢建炎三年三月本路安撫使司改差知汝州寶豐縣四年正月累獲大功京城留守使司便宜遷武功大夫榮

州刺史仍差權知河陽南城兼管內安撫使四月差充  
京城留守司同簽書判官廳公事兼主管侍衛步軍司  
仍遷右武大夫榮州團練使許從便宜五月遷翊衛大  
夫六月遷中亮大夫改忠州防禦使大齊開基阜昌改  
元公適時知變乃以中亮大夫忠州防禦使權知河南  
府兼西京留守管內安撫馬步軍總管司公事兼管內  
勸農使歸附聖朝朝廷優加顯秩遷中侍大夫依舊忠  
州防禦使餘並如故公迺謂人曰大丈夫事主當一心  
建功立名期不朽豈可乍服乍叛以速夷滅哉方思建  
立以固恩寵適京西北路安撫總管翟興阻兵負險阻

絕道路跳梁不軌殘忍尤甚公迺厲志竭忠乘機奮發  
勸督將士協力赴功竟致渠魁破蕩巢穴厥績顯著天  
子嘉之乃遷徐州觀察使自是西至關中南至漢上凡  
兵火隔絕曠日人迹不通之地一旦水陸舟車田野耒  
耜賈游於市商通於路朝廷得以車書隴右開拓巴蜀  
皆公之力也十月皇帝遣使賜金帶以光寵之三年六  
月宣詔赴闕上殿皇帝問以邊事辯對稱旨無所凝滯  
天子愛之賜廣撫封俾臨一路仍正使號增重帥權特  
授依前中侍大夫徐州觀察使知河南軍府事兼西京  
留守河南府路安撫使馬步軍總管兼管內勸農使明

年正月西賊叛逆順商號三州相繼變亂虜掠百姓攻圍城邑大兵未集遽入西洛公不幸被執賊留之軍中意欲活而用之公乃毅然不屈請卽使之遂力被害享年四十六先是厥父恩被傷致殞男安世同日被禍三世忠孝萃於一門舍生取義不失全節方之古人殆無媿也朝廷哀憫其忠義贈通侍大夫賜錢千緡及賻贈羊酒米麥等差諸縣夫役百人以助葬事許其弟武經大夫閭門祇候河南府路副總管邦傑不妨本職以領葬事七月二十日癸酉葬於永安軍芝田鄉蘇村之原公娶劉氏封恭人男一人安世贈朝奉郎女二人並未



嫁俟嫁日各賜夫承節郎公天性純厚明敏辯博事父母尤孝能以智帥人與士卒同勞苦資糧與均故人樂仕使多立奇功其在西洛不唯威聲四馳見於將畧至於撫衆治民政平訟理皆出愁歎有古良吏風古之爲將者或以智畧或以壯勇或以死節苟得其一不害爲名將後世將弱兵驕其能智畧壯勇與夫死事奇節顯顯名世者幾希故其伺敵之來往往內懷怯心外霽威色畏避矢石不敢前臨時去就心挾二三幸勝則要功力屈則降敵若人者安能死節王事願死馬革中以報國家哉公獨能兼是數者卒死忠義並驅古人非天賦

英烈未易如是也僕不識公之面友人將仕郎黃億實  
客於公之舍一日狀公行事之實見祝爲文辭不獲已  
因爲之銘曰

帝造區夏志清多壘兇醜跳梁速誅干紀公適時變  
赤心款附氣吞羣盜亂庶遄沮帝用嘉之以廣撫封  
正彼使號以旌有功留鎮西洛克服商虢舟車隴蜀  
口底偉績董賊亂常兇焰熾張死節被執斷頭不降  
以忠捐軀禍及三世死馬革中是謂得志帝用憫之  
厚塋斯舉錫以千緡贈以異口使安窆岁永口幽宅  
巍巍嵩高與功無極

億案孟邦雄事附劉豫傳後云孟邦雄發永安陵卽其人也今邦雄墓亦爲土人掘井出之獨匿此石五十餘年予宛轉屬覓構之乃訂其始末蓋邦雄永安人自劉豫僭號遂降豫授僞職至中侍大夫徐州觀察使知河南軍府事兼四京留守河南府路安撫使馬步軍總管兼管內勸農使案四京以史證之豫升東平爲東京改東京爲汴京又僭位大名及河南府西京并爲四京誌文所云四京蓋謂是也誌稱京西北路安撫總管翟興阻兵負險隔絕道路跳梁不軌殘忍尤甚公乃厲志竭忠乘機奮發勸督將士協力

赴功竟致渠魁破蕩巢穴攻興本傳爲京西北路安撫制置使兼京西北路招討使此文乃易安撫招討名爲總管又傳劉豫將遷汴以興屯伊陽憚之遣將顧持書誘興以王爵興斬顧焚其書詩文謂興跳梁不軌殘忍尤甚當指於此至傳所云豫計不行乃陰遣人啗裨將楊偉以利偉殺興攜其首奔豫則此誌以邦雄勸督將士竟致渠魁是於興之隕歿皆由邦雄所致與史頗不相符惟興本傳內小註或云賂偉爲內應以兵徑犯中軍興奮擊墜馬死則邦雄乘機奮發卽當時以兵犯中軍者事亦或然也然則史小

註宜爲可據而傳故兩存之也邦雄桀猾爲賊豫驅  
使敢于發帝陵而身後不保其墓天道不可誣如此  
中州金石記云邦雄字彥國西京永安人宋靖康建  
炎間嗣王走江浙乃招集亡命旬月間並萬人號曰  
義師保全一方力拒羣盜京城畱守使司嘉其忠義  
便宜借補進義校尉歷官至忠州防禦使入齊阜昌  
三年官至徐州觀察使知河南軍府事西京畱守河  
南府路安撫使馬步軍總管兼管內勸農使明年正  
月西賊叛逆被執不屈父恩被傷致殞子安世同日  
被禍贈通侍大夫碑新出土字蹟工秀得虞褚規模

良可愛也阜昌爲劉豫年號豫以宋建炎四年爲金所立故附置于此

授堂金石文字續跋孟邦雄誌石前已跋尾在偃師金石遺文記內後覽熊克中興小紀云紹興二年夏四月時劉豫欲遷居東京而忠護軍翟興屯伊陽山以阻其路豫每遣人往陝西則假道于金山懷衛太行取蒲津濟河以達諸所指西京北路安撫總管翟興阻兵負險隔絕道路卽其事也誌又載正月西賊叛逆順商號三州相繼變亂虜掠百姓攻圍城邑大兵未集遽入西洛按中興小紀知虢州董震初嘗從

僞至是復歸正乃將所部與琮并力襲取西京大金  
國志天會十一年春西京留守孟邦雄爲宋翟琮所  
敗琮卽翟興子時爲河南鎮撫愼大金發掘陵寢琮  
及董震以山寨餘衆入潼關邦雄醉方臥俘其族以  
去潼關字疑誤然則西賊謂董震也震知虢州在洛陽之

西故也又翟琮引衆擣孟邦雄營邦雄方醉臥遂將  
其族以歸與誌載被執相符而誌旣云邦雄被害又  
父恩被傷致殞男安世同日被禍是俱戮死于西京  
故邦雄得塋永安軍蘇村之原也而熊氏謂詔琮押  
邦雄赴行在當日蓋未成行矣陳振孫書錄解題以

熊克爲是書往往疎畧多牴牾其有指于此也與

復案翟興事又見大金國志豫以翟興大軍見屯西  
京伊陽山寨相去不遠又陝西路久爲興所斷豫深  
惡之時陝西五路盡爲大金所陷割屬劉豫豫居東  
平以翟興屯西京東京西路阻每遣人之陝西西則  
假道於金山懷衛越太行取蒲解渡河以往故力請  
于粘罕期必破興會興將楊偉降具陳砍興之計於  
是發女真萬戶茶曷馬渡河陽張聲勢揚言將欲攻  
興興盡發兵以應之楊偉潛引大軍由閒道以襲興  
營興兵旣出衆寡不敵遂力戰而死與宋史符又云



天會十一年春西京留守孟邦雄爲宋翟琮所敗琮  
卽翟興子時爲河南鎮撫愼大金發掘陵寢琮及董  
震以山寨餘衆入潼關遂入西京邦雄醉方臥俘其  
族以去與中興小紀畧同然俘其族以去亦不若誌  
所書爲實誌云許其弟武經大夫閤門祗候河南府  
路副總管邦傑不妨本職以領羣事攻邦傑見宋史  
牛皋傳帝手札賜飛從便措置飛乃命皋及王貴董  
先楊再興孟邦傑李寶等經畧東西京汝鄭潁陳曹  
光蔡諸郡又云孟邦傑復永安軍蓋前與邦雄黨兇  
從逆而歸正以立功于後如此邦傑爲永安人故獨

復此地亦有鄉導義社便于集事也然非志文見之  
蔑由得其始末矣

偃師金石遺文補錄卷十二終

邑人

徐宜方子校  
武穆淳愚溪